



WANITA TUA BERTERIAK

Tatkala Sultan Bayazid pemerintah Usmaniah, terjadi satu peristiwa pada tahun 1393 M. Dalam satu majlis keraian, ada seorang wanita tua telah berteriakan. Sultan Bayazid yang terdengar teriakan itu, lalu memanggil wanita tua tersebut, dan wanita itu pun berkata:


“Tuanku, salah seorang pembantu Tuanku telah datang ke tempat kami, lalu dia minum susu kami tanpa membayarnya. Dia turut menengking dan mencela, bila kami meminta bayaran. Akibat itu kami menangkap dan menyerahkannya kepada hakim. Tetapi, hakim membebaskannya. Sebab itulah patik datang untuk memohon keadilan.”

DAVE MUSTAINE DIGANTIKAN

Sultan memerintahkan lelaki itu mengadap dan dia sangat gementar. “Benarkah kamu melakukan sedemikian?” Tanya sultan.

Dia menjawab: “Ampuni patik Tuanku. Patik telah disesatkan syaitan. Patik akan membayar dan bersumpah atas nama Allah, tidak akan mengulangi perbuatan tersebut.” Pembantu sultan itu akhirnya dihukum, dan jika diikutkan perkara itu sepatutnya sudah selesai.

SULTAN BAYAZID TERTANYA-TANYA




Bagaimana hakim boleh membuat keputusan sebegitu. Apakah hakim telah menerima rasuah?

Sultan lalu bertanya kepada pembantunya tadi: "Apakah kamu memberikan rasuah kepada hakim?". Pembantu itu berkata: "Tidak Tuanku, demi Allah, patik tidak memberikannya wang suapan." "Bagaimana hakim boleh memberikan maaf kepada orang yang merampas hak orang lain?" kata sultan sambil menahan amarah.


PIHAK KEHAKIMAN BERMASALAH

“Pengawal, pergi siasat kes ini, dan kita wajib mengembalikan pengadilan ke jalan yang benar.” Ketua Pengawal, lalu melaksanakan perintah Sultan dan menyerahkan daftar nama orang yang memiliki masalah dengan pengadilan. Sultan menarik nafas sedalam-dalamnya. Dia menyaksikan banyak sekali nama yang mempunyai masalah dengan pihak kehakiman.



SULTAN PERINTAH SEMUA HAKIM DIBAKAR

“Kami perintahkan untuk menangkap semua hakim di wilayah ini, baik di desa atau di kota. Para hakim dikabarkan telah melakukan perkara yang melanggar syariat dalam membuat keputusan. Sebahagian lagi dikatakan telah menerima rasuah. Bawa mereka semua ke ibukota!”



TIADA YANG BERANI MEMBANTAH

Perdana Menteri yang bernama Jandrili Pasha, merasa panik dengan perintah sultan. Dia tidak berani menanyakan apakah hukuman yang bakal dijatuhkan. Sultan yang masih muda itu berkata lagi: “Hilangnya keadilan menjadi petanda runtuhnya negara. Aku akan masukkan para hakim ini ke dalam sebuah rumah, lalu aku akan membakarnya.” Para menteri menjadi kecoh saat mendengar keputusan itu. Namun, tak ada seorang pun yang berani membantah keputusan keras tersebut.

JANDRALI PASHA PANGGIL PELAWAK SULTAN



Dalam kondisi ini, hanya ada seorang sahaja yang berani berdialog dengan baginda, iaitu Pelawak Penghibur Sultan. Dia pandai menyampaikan suatu maksud penting dengan bahasa lawak yang lucu. Jandrili Pasha lalu memanggilnya. “Jangan khawatir, Tuan Pasha. Ini perkara mudah,” kata sang pelawak.



PELAWAK DAN SULTAN

Keesokannya, sang pelawak mengenakan pakaian bermusafir jauh. Dia lalu pergi menemui Sultan Bayazid, dan baginda tersenyum lucu dengan pakaian sang pelawak.

Baginda bertanya: “Kenapa kamu pakai begini, adakah kamu ingin pergi bermusafir?”

Pelawak: “Benar, Tuanku. Izinkan patik untuk melakukan perjalanan jauh.”

Sultan: “Ke mana kamu akan bermusafir?”

Pelawak: “Ke negeri Bizantium, Tuanku.”

Sultan: “Kenpa kamu mahu ke sana?”

Pelawak: “Patik ke sana untuk mengundang seratus dukun dan pendeta ke kota Burshah.”

Sultan mengerutkan keningnya: “Seratus dukun dan pendeta ke Burshah? Apa yang para dukun dan pendeta itu akan lakukan di sini?”


Pelawak: “Mereka semua akan mengambil alih tugas hakim di sini, wahai Tuanku.”

Sultan: “Apa kau gila, dukun dan pendeta melaksanakan tugas sebagai hakim? Tidak adakah lagi hakim di negeri ini?”

Pelawak: “Tidak ada Tuanku. Bukankah Tuanku akan membakar mereka? Bagi menggantikan tugas mereka, para dukun dan pendeta akan menjadi hakim. Rakyat akan mengadukan masalah mereka dan mendapatkan keadilan. Mereka juga boleh menjadi cendekiawan.”

SULTAN GANTI HUKUMAN YANG LEBIH SESUAI

Sultan tertawa mendengar ucapan pelawak itu. Kini Baginda menyedari betapa beratnya hukuman yang bakal dijatuhkan kepada para hakim. “Baik baik beta akan membatalkan keputusan itu.



Nampaknya beta telah berlebihan dalam masalah ini,” kata Sultan Bayazid. Akhirnya, baginda mengganti hukuman yang sesuai untuk para hakim yang telah menyeleweng itu.


PENGAJARAN



Letakkan manusia pada tempatnya yang betul



Jangan letak seseorang pada peranan yang salah



Jika peranan betul pasti ada manfaat

إِذَا وَسَدَّ الْأَمْرُ إِلَىٰ غَيْرِ أَهْلِهِ فَانْتَظِرِ السَّاعَةَ

“Bila disandarkan sesuatu urusan bukan kepada ahlinya, maka tunggulah saat kehancuran.”